

# OMUKWETU

Registered at the General Post Office as a Newspaper

15c


## OMOLWETU

Muuyuni wAaroma, uuna omuntu a tokolelwa eso pamukalo gwokwaalelwa komushigakano, oha ziwa ashike naye mongulu yompangulilo, mohofa, u uki-thwa kehala hoka ta ka alelwa komushigakano. Ohe ende e li pokati kaa-kwiita yane ye li momukweyo, yaali kombinga kehe. Omushigakano hoka ta ka alelwa, ohe gu tsikwa komapepe e ende e gu humbata ye mwene.

Nena ota falwa ihe kehala hoka ta ka alelwa komushigakano, te ende a kwatwa komukwiita a yeluthe epulakata moka mwanyolewa ondjo, opo ayehe mboka ya li taadhiladhila okuninga oshinima sha tya ngaaka, ya kale ya londodhwa shili.



"Opomushigakano ngo, JESUS ndi li mpaka, Ngoye sho wi igandja wo Omolwetumbaka, Omuti ngu, Gwoye tuu, Gwo omwenyo gwandje MUKA nomegulu wo Gwo enyanyu lyandje."



Enyolo Iya tya ngaaka olyo wo tali ka kala oshipalanyolo komushigakano gwomuntu ngoka.

Mokuya kehala hoka omuntu ta ka alelwa komushigakano, ohaku longithwa aluhe ondjila nenge ondhingoloko ndjoka onde yi vule adhihe. Osho naanaa shoka sha li sha ningilwa Omuwa. Onkee taku tiwa okwa li a vulilwa ondjilakati. Omuyoni shaa a thiki pehala mpoka e na okwaalelwa komushigakano, omushigakano ohegu kuthwa e tagu langekwa pevi gwa taandela.

Tala kep. 4

# ONKUNDANA YENYANJU

Omasiku ngaka OMUKWETU ekwa pewa onkundana ombwanawa noyenyanyu ndjoka ya zi komusita Kleopas Dumeni omubisofi gwaELOK.

Onkundana oyi na sha neyakulo lyopambepo mokati kiilyo yoongeleka dhetu mbyoka yi li pondje yaNamibia. Otayi ti:

Oongeleka dhomuNamibia odhi na oshimpwiyu oshinene naAnamibia ayehe mboka ye li pondje yoshilongo. Oyendji yomuyo oyo iilyo yoongeleka dhetu. Oongeleka odha humbata oshimpwiyu shawo shomuntu agube kutya; otaa li shike, otaa zala shike noye li peni! Ihe unene tuu, oshimpwiyu sheyakulo lyopambepo, kutya oomwenyo dhawo otadhi yakulwa ngiini, ikulye na oku na tuu aayakuli ya gwana? Omolwonkalo oongeleka otadhi nyengwa okutsakanitha oshinakugwanithwa shika shadho" osho dr. Dumeni a ti.

Okwa tsikile ko ta ti! Onda taa mba onkundana yenyanyu kutya, uukriste omo u li mokati kaAnamibia mboka ye li pondje. Shika osha kolekwa KEHOKOLOLO LYOMUMVO, lyoshilonga sheyakulo lyopambepo 1980. Mehokololo omwa hololwa kutya muAngola nomu ambia, moka Aanamibia ye li mo oyendji, omalongelokalunga ohaga ningwa osoondaha kehe. Okugongala momalongelokalunga oku li nawa, unene muAngola. Montanda kehe omu na "okuoor" yaagundjuka moka taa holola eitulomo lyawo mokukalamwenyo kwopakriste.

Omumvo gwa zi ko, muAngola, aantu 654 oya kolekwa muukriste. Aapa-

gani 755 oya shashwa. Mu Angola omu na aayakuli yopambepo yaali naakwathiyawo. Manga muZambia mu na omuyakuli gumwe naakwathi yu. Aanona yaakriste oya shashwa muZambia oye li 78, omanga aakuluntu ye li 82. Aakriste mboka ya kolekwa oye li 88 naamboka ya hokanithwa paukriste oye li 7. Aantu 400 oya yakulwa muUulalelo Uuyapuki. Aakuthilwa oya 58.

Aanamibia mboka oya holola epandulo lyawo omolwoongeleka dhilwe muunyuni; sho dhe ya kwatha; ikulya, ootenda dhokukala, oonguwo, ominiilongitho, ya longe omapya ya kale ye na ikulya. Otaa holola wo epandulo lyawo koongeleka dhomuNamibia omolwoshimpwiyu shadho oku ya galikana. Otaa indile oshimpwiyu sha tya ngaaka shi tsikile moongeleka nomaa-kriste ogumwe noogumwe. Unene Ongonhangano yaAakwaluther muuyuni (LWF) nOraata yoongeleka muZambia (Zambian Christian Council) oya pandulilwa shili eyakulo lyawo" osho mehokololo lya holola.

Mehokololo omwa tiwa; "Oongeleka mokutsakanitha oshilongatumo shayo, oyi inekela oonkondo dhOmuwa Jesus Kristus, ngoka e li Omutse gwongeleka onkwakriste" Shika osha tumbulwa komuyakuli omukuluntu gwoshilonga ashihe shopambepo muAngola nomuZambia

# EFYO. LOMUKULILI

Mepya laGetsemane ota ilikana  
Ovahongwa va kofa itava kwafa sha  
Mokafimbo kaxupi Judas okwe ya  
Omukengeleli waye okwe mu yandja  
Ovahongwa aveshe ove liyukila  
Omufita a dengwa eedi de lihana.

Oikutu yaye ove i nyanekela  
Oshihoololifo ove i umbila  
Ovadipai vaye ove mu nangela  
Pomushiyakano ove mu kalela  
Eenhe detango oda li tadi twana  
Oshipala shaye koupyu sha divala.

Hanas naKajafas ove mu pulapula  
Ve mu manga komesho ndele ve mu denga  
Oixuna inene ove mu monifa  
Simon Petrus okwe mu lidimbika  
Kombala yepangelo ove mu yukifa  
Oku haku tokolelwa ovananyanga.

Memweno laye Kalunga okwa tokola  
Omona waye ewifa okwe mu yandja  
Eengudu dovanhu otadi piti po  
Nodino inene do tadi ende po  
Nokuhaitavela ova koya po  
Komumangululi wavo kava pupa ko.

Koshipala shaPilatus okwa fikama  
Ongomukwaunyuni omutamanekwa  
Ovalundili vaye ove mu ehena  
Etimba lokufya ove mu kongela  
Herodes naye yo okwe mu pulapula  
Ndele okwa tya filu ina nyamukula.

Vamwe vomovaendipo ova fikama  
Tava puku komitwe notava ingida  
Omushiteembeli nani ke na po sha  
Ou ha kwafa vakwao nohe va nyumuna  
Mboli okwa nyengwa oku likwafa mwene  
Dikumwifalonga itai kwafa sha.

Pilatus ina mona etimba lokufya  
Engungo loVayuuda alishe la fikama  
Nehandu linene otava ingida  
"Na valelwe! Na valelwe! Ina efiwa!"  
Barbas omudipai a mangululwa  
Jesus omuxupifi oye ta dipawa.

Pomushiyakano waye opa fikama  
Ava ve mu hole nove mu itavela  
Nokulila omahodi yo ova mona  
Eembosha nhee nhee de mu ulula  
Ooina novana okwe va popifa  
Pomushiyakano okwe va hanganifa.

Omavinyu onyanga ove mu nwefa  
Ongomukolokoshi ove mu hepeka  
Eembosha da tyuula omake aye  
Nokuhenanghenda eemhadi oda twa  
Dahishani shomakiya otashi twana  
Ohonde i he na timba otai tika.

Etukulifoteembeli ola tauka  
Edu ola tila ndele tali kakama  
Eembila da findwa da yeuluka  
Etango ola tila oku shi tala  
Omunelele naye okwe shi kofaka  
Eengudu dihapu nado da itavela.

Ohole yaye nande omouyehame  
Oye mu fininika okudimina po  
Ovahepeki vaye okwa indilila  
Edimo lomatimba okwe va halela  
Kexupifo lomwenyo okwe va shilila.  
Melao laalushe okwe va halela.

Komushiyakano otave mu kufa ko  
Mombila ipelela ve mu nangeka mo  
Emanya lidjyuu ova idila ko  
Ovanangelimbila ova tulwa po  
Ongula yEnyumuko emanya la dja ko  
Omukulili wetu mombila a dja mo.

Nokomushiyakano ota mangulula  
Oukolokoshi okwe mu lombwela  
Omatimba oye nena okwa dimwa po  
Muparadisa yange ove ova tambulwa  
Omwenyo waalushe owe u likola  
Elao lokomwenyo we li limonena.

Eingido ola ti esha longwa sha pwa  
Ekumatondafano ola ngumunwa po  
Ounyuni aushe ova hanganifwa  
Europa nAmerika omwa mangululwa  
Asia nAfrika nanye mwa kulilwa  
Australia naave yo ino xupa ko.

(A.L.NGHIFIKUA).

## Omolwetu: Dha za kep. 1

lundjū omushigakano gwa tya ngaaka hagu kala molupe lwondanda T, kaa- u na oshiti shopombanda hoka omuntu a vulu okweegameka ko omutse gwe. I- hewe, omushigakano ohagu kala omufu- ilela noompadhi dhimuyoni ngoka a ale- wa ko ohadhi kala ashike uule bondeimā okuza 24 sigo 36 oku- a pahi pekota lyomushigakano.

Omugeyelwa ngoka oha langekwa ihe ongali kombanda yomushiga- kano nomaako ge otaga taandele- kwa nduno ga lambalala oshiti shoka sha shigakana noomboha tadhi dhengelwa ihe miikaha ye pomake. Oompadhi ihadhi ululwa noomboha, ohadhi mangelwa ashi- ke koshiti shomushigakano noo- godhi. Pokati koshiti shomushi- gakano ohapu langekwa oshiti shi- mwe sha ningwa molupe lwoshitha- la, oko hoka haku gwilū uudhigu oshiviha shaangoka ta alelwa ko, Oshoka ando kwa li hasho shoka, ena ando oomboha otadhi taula ashike iikaha yomuntu a tya ngaa- a pokati. Omushigakano otagu ye- uthwa ihe, e tagu thikamekwa mo- hiambo shagwo gu ukilila pyolo. ululu womushigakano ou li mpoka utya, uuyehame ohau kala unene hili, ihe inau gwana okukutha muntu omwenyo a se mbala. Nakwaa- elwa komushigakano oha ethwa ashi- a kale a endjelela komushiga- ano, ye a se kondjala nokenota

moshanga shomutenya gwetango lyo- mbandamutse nuutala wuusiku. Aa- yonaguli oyendji otaku tiwa oya kala ye endjelela ngaaka komu- shigakano dhawo sigo uule woshi- wike shimwe nokuli notaa ka toko- ka yu uva shili uululu nuuyehame womushigakano noyu uva omwenyo omulyo. O, omuntu oshinamwenyo ghi na onyanya shili.

Uululu nuuyehame wa tya ngaaka, owo wa li wo oshapewa shOmuwa gwetu--"omukeenandjo omuyelele e vule etango eyelele". Okwe shi- ningilwa omolwoye nomolwandje, molwelago lyyoye nolyandje. Eeno shili okwe shi ningilwa, "OMOLWE- TU". "Oye okwa tsuwa omolwomayo- nagulo getu, okwa nyanyagulilwa oondjo dhetu. Eegelo lye mu ya, opo tu kale tu na ombili notwa aludhwa kiilalo ye."

Enyolo ndyoka lya li lya mbamba- ngelwa komushigakano gwaJesus, paLukas, olya li "Nguka oye Omu- kwaniilwa gwaAajuda". Shika osha ningwa nomukalo gwesheko nogwo- ndhino. "Osho ngeyi, Jesus okwa ningi emanya lyepundukitho koshi- pala shuuyuni auhe", ngaashi Lu- ther ta nyola". Ongundu kehe yaa- ntu, oya li ya kalelwa po, osho- ka oshipalanyolo shondjo ye osha li sha nyolwa momalaka agehe ngo- ka ga li ga tseyika pethimbo ndi- yaka. Oshigreka, Oshiheberi, no- shilatina.

Tala kep. 6

(ETSIKILO)

Mokuluka nomokushashitha aanona y osha li hashi ningwa sho aantu  
 yetu, natu taleni nkene tu na oku- ya li kaa shi kunyola nomavalo gaa-  
 pungula nokupopila uukwashigwana nona inaga nyolwa. Ngashingeyi otu  
 wetu. Tashi ti okuluka uukongow na oombelewa niinyangagongalo moka  
 Shithima sha Kagulu kaShavuka ne- hamu nyolwa omadhina gaanona sho ya  
 nge Turaela waTjongarero nenge Tsi- valwa. Onkene okulukila aatiligane  
 re yaGowaseb otashi gandja uuye- nenge omuniilongo kehe ta ende opo  
 le wuukwashigwana wOshiAfrika, shi- ando shi kale edhimbulutho lyoma-  
 vulithe Tomas yaSimon yaPetrus ya- valo gaanona yetu, hasho we nashi  
 David. Shika okutandelitha uukwa- kale eipopilo. \*  
 Europa, sho hasho ishewe tashi ti eputuko sho tu na omadhina ga ta  
 kuma, shila mbuka otatu ti ashike

uukomoni: \*\*\*\*\*

OLYE GWOMA ATILIGANE  
ALUKILALOIMAUULUUDHE?

OKULUKILA AAKWILI  
LONGO

Shaangoka oto pumbwa okusimaneka uukwashigwana noku u gamena, opo aatekulu yetu yaa ke tu pangulew nokututamaneka. Otaa ki ipula kutya ookuku yawo mbela oya liaingitya sho tayi ithanwa ooWilson noo- Kenedy. Nenge oya li aasuomi taa ithanwa Seffo nenge Urho! Nonando omuAmerika, ito adha mo okanona taka ithanwa Wilson nenge Kenedy, oshoka ngaka omadhina gookuku yawo, shila otaka ithanwa nima yaKenedy nosho tuu.

Aantu yomuAfrika otu na omukalo gwokuluka aanona yetu, omadhina ngaashi Antissari nenge Waldheim opo tu dhimbulukwe kutya omunona ngono okwa valwa pethimbo lyoonakutumbulwa ya li ya talele po muka. Ethimbo ndika nalyo olya pita ngashingeyi, oshoka shika

Aakwiilongo yamwe oya kala ngaa nec muka oomvula odhindji-dhindji, ihe yangapi yomuyo ya luka oyana omadhina ngaashi Sheehama nenge Kaura? Mpaka ino uva ndje ko mepuko, u dhiladhile ando kutya otapa popilwa okatongotongo, ihe elalakano okukeelela efumvitya ko lyuukwashigwana. Shoka tashi kulisha sho tayi ithanwa ooWilson noomitha osho shika sho omadhina goombwa noongombe nago taga takuma. Yakwetu shika hasho ehumokomeho, ngele ndika olyo ehumokomeho, otandi li luku ehumokomeho lya puka.

ELAKA  
 Otaku monika, mpaka nampeyaka, moshilongo shetu aagundjuka naantu yamwe inaa hala we elaka lyawo. Una taa tsakanene oya tala olyo ehumokomeho okutakuma omalaka gaatiligane. oshimbulu noshingilisa. Uukoloni on thike peni tatu ikolonyeke tse yene! Owe shi dhimbulula tuu!

Tala kap. 6

dha za kep.5

Aavali taleni nkene tamu luku aano-  
na yeni. Aasita momagongalo inaamu  
indikila aanona omadhina gopashi-  
gwana. Aapangi naavalithi miipange-  
lo, inamu pa aanona muunyothi oma-  
dhina gwoshikwiilongo. Aalongi ina-  
mu tinda okunyola omadhina gaanona  
nga kwa tiwa nale ogoshipagani.  
Aasamane sho mu li mUushimba paaho-  
na aawanawa, inamu tuma we omadhi-  
na gaahona yeni ogo ga lukwe aa-  
nona yeni. Ngele owa hala shila  
pula tango omuhona kutya edhina  
otali ti ngiini, opo u li luke na-  
wa omunona. Ngele tatu kondjitheni  
shili uukoloni, natu dhipageni wo  
mbu womadhina gOshiEuropa nogoshi-  
takumo. (Taku tsikilwa)

EOPALEKO MOSHIFO SHIKA

Kepandja 5 moshifo shino moshi-  
palanyolo "EHUMOKOMEHO NUUKWA-  
SHIGWANA " metumbulo lyahuguni-  
na tali leshwa " .... shila mbu-  
ka otatu ti ashike uukomoni." Oli  
na okuleshwa ngeyi: ... shila mbu-  
ka otatu ti ashike UUKOLONI.

IMALIWA YOKULIHONGIFA

mafiku aa omina yokawe ya CDM  
ya shiivifa kutya oya yandja oima-  
iwa yokulihongifa kOvanamibia vaha-  
ano. Pashiivifo eli ava tave lihongo  
akwafelo lomina ei, paife ove li 15.  
veshe ava otave lihonge eenghatu.  
mwe womwaava vahamano Omuwambo. Oye  
thomas Alweendo weedula 23.

mafiku kemale a pita po, eshi umwe  
edina JJ. Katzoa a mona onghatu: B.Ed  
oyunivesiti yaWallis. Paife ota longe  
e CDM.

Vaningi vomaindilo otava indilwa va  
yolele kondjukifi ei:

Die Seniorpersoneelbestuurder  
Postbus 35

dha za kep.2

Ano opu na omunashimpwiyu sheyakulo  
alihe lyppambepo mokati kawo, ina  
yalulwa maayakuli mboka ya tumbu-  
lwa.

Onkundana uukriste nkene u li moka-  
ti kiilyo yoongeleka dhetu mbyoka  
ya thigi po oshilongo omolwuudhigu  
nonkalo yevi lyetu, mboka mokati  
ketu mu na ye vule yatatu taa ilo-  
ngele uusita, otandi shi luku "ONKU-  
NDANA YENYANYU"

"Osha yela wo kutya aayakuli yopa-  
mbepo aashona, inaa gwana, oshoka  
otaku tengenekwa kutya muAngola a-  
shike mu na Aanamibia ye vule  
45,000. Aakriste otaa indilwa ya  
tsikile negalikano, opo Kalunga  
a pendula aaprofeti mokati kawo!"  
osho omubisofi Dumeni a ti.

Jesus ota lombwele aalonga ye."  
Iilya oyi li poroyindji ihe  
aalongi aashona. Galikaneni ano  
mwene gwiilya a tume aalongi ke-  
teyo lye,"

Mat.9:37-38.

dha za kep.4

Kape na omalimbililo, Pilatus  
okwa li ahala okuholola ondhino  
ye okudhina Aajuda nokudhina Je-  
sus, sho a hogolola oshipalanyo-  
lo shika. Ihe oohapu dhe odhoshi-  
li nodhi shi okutalaleka ooitaa-  
li ye ayehe sigo okesiku ndika.  
Jesus Kristus oye omukwaniilwa  
shili. Omukwaniilwa nguka gwe-  
shihenda nogweadhimo, oye omu-  
hupithi gwetu ngoka tu na oku mu ine  
kela komeho giinima ayihe." AMEN

Omusamane Daniël Tjongarero, amushanga gwokafonkundana kedhina CCN-INFORMATION okwa li a pula amushanga gwOraata yoongeleka mu-Namibia (CCN), dr Albertus Maasdorp, omapulo gamwe, pehulilo lyo-  
mmvo gwa piti, kombinga yoshilonga shehanganitho lyOraata yoonge-  
teka muNamibia kumwe nOraata yoongeleka muuyuni (WCC). Mpaka otapa  
landula oonkundathana dhawo mekwatathano niinima ya tumbulwa pomba-  
nda.

EPULO: Owi itaala natango kutya ongeleka oyi na oshilonga oshinene okuhanganitha aantu muNamibia??

EYAMUKULO: Kehe ngoka ta limbililwa oshilonga shongeleka moshigwana, oku na okukala e na uupyakadhi we mwene wopaumwene wokwaatseya kutya ongeleka oshike. Kaku na nando oshigwana shimwe- shimwe mwaashoka omuntu to vulu okutumbula kutya ongeleka kayi na mo oshilonga sha sha. Uunene ongeleka oya pumbiwa monkalo yoshigwana shetu, moka mu na ompumbwe onene yokuuvitha elaka etoye lyuuyuki, ombili nehanganitho. Tse ongongeleka otwi ithanwa tu kwathele mokutunga oshilongo shaKalunga muuyuni, nomoshilongo shetu wo. Oshoka oshilongo sha tya ngaaka, osho oshilongo shuuyuki noshombili.

EPULO: Oto yamukula ngiini komupopyo ngoka tagu ti kutya Oraata yoongeleka muuyuni(WCC) oyo ehanganano lyaakomoni?

EYAMUKULO: Ngele oku na sha sha nika uugoya muuyuni mbuka, nena osho omupopyo gwa tya ngaaka. Shika otashi zi ashike mpoka sho aantu yamwe ya hala okunigilika edhina lya WCC. Aantu ya tya ngaaka, inaa koneka nande kutya WCC kayi shi oombelewa ndhoka dhomuGeneva ndhoka odho ya manena mo omeho. WCC oyo ehanganano li na oongeleka dhi vule 200 dhomuuyuni auhe. Onkee, ngele omuntu ota popi kutya: WCC oyo ehanganano lyaakomoni, nena shoka osha hala kutya oongeleka ndhoka adhihe odho iilongitho yUukomoni. WCC oyi lile po okuhumitha komeho uukumwe wOngeleka. Oyo endhindhiliko tali ulike uukumwe nelongelokumwe lyoongeleka muuyuni auhe. WCC oku na ooprograma ngaa-shi okweevangelitha noshilonga oshinene shayo. WCC ota kwatha wo ihe oongeleka okulonga iilonga mbika mokati kaantu yadho.

EPULO: Omolwashike ano pwa gwandjwa omadhiladhilo neuvoko lya tya ngaaka kutya ooprograma yokukondjitha okayoya nuukwamuhoko oyo ashike oshilonga oshinene sha WCC?

EYAMUKULO: Ooprograma yokukondjitha okatongotongo nuukwamuhoko oyo okatopolwa okashona kowala kiilonga yomungundo yaWCC. Ishewe iilonga mbika yaWCC inayi talele ashike South Africa. Iilonga yaWCC oya taalele iitopolwa oyindji yuuyuni moka mu na aantu taa thindilwa kongudhi nenge mpoka aantu ya kuthwa uuthemba nondilo yuuntu

wawo ya shundulwa. Oprograma yokukondjitha uukwamuhoko oyi ipya-kidhila unene nomulandu gwAaandia muUSA nomuLatin America. Osho wo nAayaborigine yomuAustralia nomiilongo yilwe iikwawo oyindji moka mu na omaupyakadhi ge etwa kuukwamuhoko.

Ope na etompelo limwe alike kutya omolwashike South Africa u uvitile WCC uudhigu nolyo ndika sho WCC ha popi ko sha komikundu omine-ne dhomUumbugantu wa Africa. Ngele Omuntu ou na oshilalo naantu otaa kala noku shi kwatakwata, ito uvu naanaa unene uuwehame, ihe ngele omuntu okwa kutha ongwiya e te yi tsu moshilalo sha tya ngaaka, nena mbalambala ngoka e na oshilalo ota tameke okulila. Itashi kumitha ano ngele South Africa ota talele WCC koondungu dhomeho, oshoka Oraata ndjika yOongeleka dhomuuyuni auhe, ohayi tsana tuu shili nokutolokana oshilalo oshinene shomonkalathanano yaSouth Africa shoka tashi ehama noonkondo.

EPULO: Oompito odhini dhilile po CCN na WCC ya hedhathane popepi?

EYAMUKULO: Molwaashoka CCN oku li po ehangano lyuukumwe woongeleka nonkambadhala yoongeleka dhomuNamibia okuhedhathana popepi, moshinima shoka otwa faathana na WCC. Elalakano lyomahangano ngaka agehe gaali, CCN na WCC limwe alike nolyo ndika kutya einyengo lyoongeleka okweengena kumwe, olyo endhindhiliko lyuukumwe woongeleka nomokuhedhathana kumwe kwa tya ngaaka otaku ka thikwa sigo omelongelokumwe enene.

Ihe oshinima shokuya melongelokumwe na WCC oshi li miikaha yOmpiti-thingundu nenge yOshigongi shaayehe sha CCN. Oshi na wo okuuviwa ko nawa kutya CCN ke shi ongeleka (ndele ehangano lyoongeleka), wo nduno uuthemba wokuninga oshilyo shaWCC owa egulukila ashike oongeleka ndhoka dhi ithikamena notadhi ipangele.

#### ONDANDO YOMBIMBELI YA LUNDULUKA

Petseyitho lya zi kOmbimbelihangano otali ti kutya ondando yOmbimbeli, Oshindonga nOshikwanyama nElaka Etoye epu nekukutu, oya lunduluka, onke otatu landitha ngeyi!

Ombimbeli Ndonga	R2,70
Ombimbeli kwanyama	R2,70
Elaka Etoye epu	85
Elaka Etoye ekukutu	R1,10

#### OMUKWETU

Oye oshifo shOongeleka Onkwaevaangeli paLuther yomOwambokavango.

Ohashi nyanyangidhwa mOshinyanyangidho shOongeleka, ELOK, mOniipa.

Omukuluntu gweshifo omumbisofi K.Dumeni.

Ondando yOmukwetu R2-60 komumvo muAfrica

Kombanda yomafuta R5-00. Omambestelo natumwe kOmukwetu.

Ev. Luth. Owambokavango Church Press  
Private Bag 2013 Ondangwa 9000